

## — 517 —

inne fessehaft bliben ungeuarlich, der mag bi sinem burgreht bliben, vnd söllent wir im das nit weren, vnd söllent in des weder an sinem libe noch an sinem guot nit sumen. Were ouch, das suft jeman der vnfern oder vnser erben, es were nu oder hienach, von vns zuo den von Friburg in ir stat, vnd in derselben stette begriff ziehen wölte, vnd fessehaft da inne bliben ane vnser eigen lüte, den söllent wir, noch vnser erben noch nieman von vnfern wegen es nit weren, vnd söllent in ouch des an sinem libe noch guot nit sumen noch irren. Wölte ouch ieman nu oder hienach von Friburg hervs, vnder vns oder vnser erben ziehen vnd hinder vns fessehaft bliben, dem söllent es die von Friburg ouch gönnen, vnd söllent in des weder an sinem lib noch an sinem guot nit sumen noch irren, vnd wer ouch von Friburg hinder vns also zuge, fessehaft hinder vns ze blibende, ungeuarlich, der vnser munne vnd weide nüsse, der sol vns ouch dienen, die wile er hinder vns fessehaft ist, nach des landes gewonheit als zimlich vnd muglich ist, ane geuerde. Were ouch, das wir hinnanthin deheinerhande stöße oder span mit den von Friburg, oder die von Friburg mit vns gewunnen, von welcher hande sache das beschehe, darum söllent doch wir inen noch sü vns enwederthalp an vnser lib noch an vnser vestina nit griffen, wir sagent es inen oder sü vns denne vierzehen tage vor, doch söllent wir inen noch sü vns dehein vrsag tuon, nach absagen hinnant vns ze wihenachten, so nu nehst kunt. Were ouch, das wir der vorgenant Graf Egen oder vnser erben nit im lande werent, so söllent vns die von Friburg nit absagen, vns das wir widerumb ze lande komen. Beschehe es aber, das vnser oder vnser erben amptman, diewile wir nit im land werent, oder jeman vs vnfern vestinen den von Friburg deheinen angriff tetent, so söllent die von Friburg vnserm amptman darumb botschaft tuon, das er das widerkere vnd tag darumb leiste an gelegentlichen stetten, widerkerte er aber des nit, so möhtent im die von Friburg die vrsage tuon, als vorbescheiden ist, ze gleicher wise, als ob wir im lande weren. Tetent ouch die von